

ILEGALNA PROIZVODNJA I PROMET OPOJNIH DROGA

Zloupotrebe droga, uključujući i kriminalitet vezano za njih, u svim svojim kompleksnim pojavnim oblicima predstavljaju univerzalni problem čovječanstva. Negativni obrasci konzumiranja droga oponašaju se na cijeloj planeti, bez obzira na to da li je riječ o konzervativnim ili liberalnim društvima, dok međunarodno povezani sindikati ilegalnih proizvođača i trgovaca narkotika neprekidno šire svoja tržišta, pri čemu kao baze za svoje operacije koriste zemlje u kojima još uvijek ne postoji zaokružen sistem državne i društvene reakcije.

Pod opojnim drogama podrazumijevaju se supstance prirodnog i vještačkog porijekla, čijom se upotrebom mogu stvoriti stanja zavisnosti koja mogu da izazovu oštećenje zdravlja ili da na drugi način ugroze integritet ljudi u bilo kom fizičkom, psihičkom ili socijalnom smislu.

Droge prirodnog porijekla uglavnom se dobijaju iz čaura opijumskog maka, od lišća biljke koja se zove koka i iz biljke zvane kanabis.

Od opijumskog maka proizvode se droge za medicinske svrhe i za ilegalnu upotrebu. Opijumski mak je jednogodišnja biljka koja se uzgaja u određenim klimatskim područjima. Iz opijumskog maka dobija se opijum na taj način što se čahure maka pred sazrijevanje nasijecaju specijalnim sječivom na više mjesta. Na nasječenim mjestima poteku kapi soka bijele boje koji se u dodiru sa vazduhom stvrdne i poprimi smeđu boju. Nekoliko časova nakon zarezivanja završava se proces oksidacije soka na zarezanim čahurama maka na kojima se oblikuje smolasta masa koja se stvrdne i osuši. Ta smolasta masa zove se sirovi opijum. Prinosi sirovog opijuma budu, otprilike, oko deset kilograma na jedan hektar opijumskog maka.

Opijum i njegovi derivati - morfin, heroin, kodein - ublažavaju bol i izazivaju euforiju i pasivnost i faktički su depresori centralnog nervnog sistema. Opijum se može koristiti žvakanjem ili pušenjem, može se piti u tečnom stanju ili rastvoren ubrizgavati injekcijom u venu.

Morfijum je droga koja se dobija rafiniranjem i prečišćavanjem sirovog opijuma. Ime je dobio po «grčkom bogu sna» Morfeju. Morfin se u medicini koristi kao klasični analgetik. Njegovo dejstvo ublažava bol. Najčešće se koristi preko injekcija ili gutanjem tableta. Na ilegalnom narko tržištu pojavljuje se uglavnom u nijansama smeđe i crvene boje, jer mu se dodaju razne primjese da bi dobio na količini, a time i na cijeni. Nekontrolisano uzimanje brzo prouzrokuje zavisnost.

Heroin je polusintetički derivat morfijuma koji se koristi ubrizgavanjem preko injekcije, putem ušmrkavanja, a može se i pušiti. Heroin je bez sumnje jedna od najopasnijih droga, koja se može naći na narko tržištu. To je droga koja veoma brzo stvara kompletnu zavisnost (psihičku i fizičku), uz napomenu da su apstinencijalne krize kod heroinskih ovisnika daleko teže nego kod ovisnika od druge droge. Potražnja za heroinom veoma je velika, tako da dostiže veoma visoku cijenu na narko tržištu i u vezi s njim odvija se najveći broj kriminalnih aktivnosti, tako da ga s pravom možemo nazvati najkriminalnijom drogom.

Biljka kanabis je konoplja koja se u prirodi pojavljuje u tri oblika i to kao: *Canabis indica*, *Canabis sativa* i *Canabis ruderalis*. Glavna aktivna stvar kanabisa je supstanca pod nazivom Tetrahidrokanabinol (THC), koja, između ostalog, ima i halucinogeno svojstvo. Na ilegalnom narko tržištu kanabis se zloupotrebljava u obliku tri svoja produkta, a to su marihuana, hašiš i kanabisovo ulje.

----- OSTATAK TEKSTA NIJE PRIKAZAN. CEO RAD MOŽETE
PREUZETI NA SAJTU. -----

www.maturskiradovi.net

MOŽETE NAS KONTAKTIRATI NA E-MAIL: maturskiradovi.net@gmail.com